

FESTAK



memoria

2019



Festak

Donostia Kultura memoria

2019



Errege Magoak Miramar Jauregian

Festak atal berezia da Donostian. Hortaz, hona hemen urteroko memoria, bai gaiak eta bai lanak behar dituzten xarmaz eta berezitasunaz jantzirik.

Segidan Udaletxean egin zitzaien harrera, berriz, 15:30ak eta 17:30ak bitartean izan zen, eta, atsedenaldira labur baten ondotik, hiriaren erdialdeko kaleetan barrena ibili ziren, 18:00etan hasitako desfilean.

Desfilea amaitu ondoren, Rezola eta Villa Sacramentoko gerontologia-zentroak bisitatu zituzten.

Casares Kultur Etxeko plazan elkartu ziren Erregeak Altzako auzoko hurrekin.

ERREGE MAGOAK 2019

Sortaldeko **Errege Magoak** Miramar Jauregira eta hango lorategietara bisita egitea eskatu zuten. Jauregiko balkoi batetik, 2019ko urtarrilaren 5ean, hara agertutako haur guztiak agurtu zituzten, goizeko 11etan, batez ere Antiguako auzotik etorritakoak. Ondoren, aurreko urtean egin zuten bezala, Erregeek hiriko auzo batzuk bisitatu zituzten; oraingoan, Egia, Bidebieta, Intxaurrondo, Martutene eta Amarako auzoak bisitatzeko gogoia adierazi zuten. Errege Postariek auzoetan ematen zitzaizkien gutun guztiak jaso zituzten beren zorro handietan.





Festak

Donostia Kultura memoria

2019




Haur danborrada

HAUR DANBORRADA

2019ko urtarrilaren 18an,
ostiralarekin, aurkeztu zen
Victoria Eugenia Antzokian
Haur Danborrada.

Urtarrilaren 20an, eguerdiko
12etan, desfilea Alderdi Ederretik
abiatu, eta erdialdeko kaleetan
barrena ibili zen. Hura itxiz, karroza,
gure hiriko gizarte zibilaren
XIX. mendeko ordezkari bat

zeramala. Azken urteotan agertuz
joan diren pertsonaiei, irudi berri
bat gehitu zitzaien: *notarioa*.



**Ikastetxe eta auzoetan egindako
haur danborradak kontuan hartuta,
8.249 haurrek hartu zuten parte.**



Festak

Donostia Kultura memoria

2019

HELDUEN DANBORRADAK

8.000 lagun inguruk mukuru bete zuten Konstituzio Plaza, San Sebastian egunari hasiera ematen dion **bandera-jasotzean** izateko.

112 lagunek ordezkatu zituzten hiriko auzoetako danborradak, Kresala Dantza Taldearekin batera, oso ekitaldi jendetsuan, zeina 00:00etan hasi baitzen.

Bandera-jasotzea ere zenbait auzotan egin zen, eta jende asko bildu zuen halaber.

Bandera-jaisteak ere mukuru bete zuten Konstituzio plaza, eta hiriko auzoetako danborradetatik etorritako 87 lagunek hartu zuten parte.



**143
danborrada**



**4
berri
mistoak**

**18.399
parte-hartzaile**



**% 93,2
mistoak**

**%0,7
emakumezkoenak**

**% 6,1
gizonezkoenak**



EUROPA SARIA

Europar Kontseiluak **Europa Saria** eman dio Donostiari **2019**an, *Europa eraikitzearen balioak hedatzen egindako lanagatik*. Sari hori Europar Kontseiluak hiri bati ematen dion saririk garrantzitsuenak da, eta Europako 47 estatuetakoko hiri bati ematen zaio. Europaren ideala sustatzen bereziki ekintzaile agertu diren hiriak saritzeko sortu zen. Sari horretarako hautagai izateko, hiriak honako hauek jasoak behar ditu izan aurretik:

- 1. Europar Diploma (1989an emana)**
- 2. Ohorezko Bandera (1990ean emana)**
- 3. Ohorezko Plaka (2009an emana)**

Sari-banaketa Donostiako Udaletxean izan zen, irailaren 19an.

Ekitaldiaren aurretik, belaunaldi arteko danborrada bat, mistoa eta zenbait danborradetako ordezkariak osaturik, Parte Zaharreko kaleetan barrena ibili

zen, eta Udaletxeko terrazan jarri ziren Europar Batzordeko kideak eta ekitaldira gonbidatuak.

Une hunkigarria izan zen, San Sebastianen martxa joz amaitu zena, eta ondoren erdialdeko kaleetan ibili ziren, gure hiriak jasotako saria iragarritz.



Festak

Donostia Kultura memoria

2019

DONOSTIAKO KALDEREROAK

Kaldereroen konpartsa tradizionala osatzen duten 19 tribuak Parte Zaharreko kaleetan ibili ziren otsailaren 2an, kanpamendua Konstituzio Plazan jarri eta gero.

Ia auzo guztiek dute beren konpartsa, **inauteriak** badatozela iragartzeko: Aiete, Altza, Amara, Antigua, Erdialdea, Egia, Gros, Herrera, Intxaurren, Loiola eta Parte Zaharra.

ERREGINA:

Asier Garraialde

DAMAK:

IZASKUN LARRUSKAIN, MIREN SAGARZAZU

(Hondarribiko Alarde Mistoko Jaizkibel konpainiako kideak)

19
tribu

Parte
Zaharreko
kaldereroak

400
parte-hartzaile

% 57
emakumeak

Auzoetako
kaldereroak

16
konpartsa

4.414
parte-hartzaile



Kaldereroak

INUDE ETA ARTZAINAK

Zenbait auzotan, **inude eta artzainen** konpartsak irten ziren.



otsailak
3

Parte Zaharra
Kresala Elkartea

Gros
Grosetako Artzain eta Iñudeak
"Artainu"

Amara Berri eta Loiolako Erribera
Ikasbide Guraso Elkartea



martxoak
2

Antigua
Antiguotarrak Dantza Taldea



Iñudeak eta artzainen



INAUTERIAK

Otsailaren 28an, ostegunarekin, Momo jainkosa iritsi zen hirira, eta orduan hasi ziren inauteriak. Programazio nagusiak martxoaren 4ra arte iraun zuen.

Egiako *Denok Taldea* konpartsako kideek egin zuten inauterietako irudi ezagunena Maider Lópezek Momo jainkosarena egin zuen, eta Ana Gil, Judith Sánchez eta Mikel Nuñezek haren segizioko kideena

Auzoetan ere egin ziren **inauteriak**, hala nola Altza, Bidebieta, Intxaurrondo eta Loiolako Erriberan, non desfileak eta beste zenbait jarduera programatu baitziren; besteak beste, Altzako Piñata Igandea, zeinean 254 taldek hartu baitzuten parte.

Bestalde, Loiolako Erriberak lehen aldiz izan zuen inauterietako desfilea. Martxoaren 9an, hain zuzen ere, eta 16 konpartsak hartu zuten parte. Eraitza espero zena izan zen: auzoak buru-belarri hartu zuen parte ospakizunean, eta eskatu zuen desfile hori hurrengo urteetan ere egin dadila.



Inauterietako konpartsa

Konpartsak
orotara
26

2.087
parte-hartzaile
(% 83,70 emakumeak)



850
emakume
240
gizon

897
neskato
100
mutiko

Konpartsak
auzoetan
24

SAN JUAN BEZPERA

2019an, San Juan bezpera igandea tokatzen zenez, goizean hasi zen festa, lizarra Konstituzio Plazan ipintzearekin, behinola egiten zen bezala: Sei gizonek osatutako kuadrilla batek zuhaitza jaso zuen, horretarako enborrari lotutako lau soka erabilia. Zuhaitza Saguestik ekarri zuten, idiek tiratutako gurdi batean, Eskola, Gero Axular, Kresala eta Goizaldi taldeetako dantzarekin batera, zeinek zenbait dantza egin baitzituzten ibilbidean.

Arratsaldean, 19:00etan, alkateak eta zinegotziek agintarien soka-dantzan jardun zuten Konstituzio Plazaren erdian ipinitako lizarren inguruan, Goizaldi

Dantza Taldea eta txistularien udal banda lagun zituztela.

Hiriko auzo batzuek ere ospatu zuten jai hori. Honako auzo hauetan izan zuten jaien programa.

17
sute



San Juan bezperaren ospakizuna auzoetan

Aiete	Herrera	Oleta
Amara	Igeldo	Parte Zaharra
Amara Zaharra (2)	Intxaurrondo	Sagues
Antigua (2)	Martutene	Txomin
Bidebieta	Morlans	



ASTE NAGUSIA

2019an, Donostiako Aste Nagusiak martxoaren 14an ekin zion bideari, Vigon, **Iberian - Festival Awards National Winner** saria jaso baitzuen **Best Festivity** modalitatean. Lehen aldiz eman zen sari hori, musika erakargarri eta komunikazio-iturri izaten duten kultur eta herri ekitaldi jendetsu onenentzat sortua.

Jaien programazioa abuztuaren 10ean hasi zen, larunbatarekin, eta **491** jarduerak osatu zuten, adin eta gustu guztientzakoak; eta abuztuaren 17an amaitu zen, hurrengo larunbatean, Macacoren kontzertu jendetsu batekin, Saguesen.

Kultura, musika, kirol eta jai-giroko jarduerak programatu ziren, kontuan izanik gisa honetako irizpideak: berdintasuna, ingurumenaren eta elikagaien iraunkortasuna, irisgarritasuna, berdinaganako eta desberdinaganako errespetua, euskara komunikazio-hizkuntza gisa sustatzea, elkartasuna, osasuna eta horiek gure erkidegoan sustatzea, eta hiri-espazioen zaintza.

Real Sociadadeko futbol eta belar gaineko hockeyko emakume-taldeetako jokalaririk batzuek kantatu zuten *Artillero*, Eskola-Gurutziaga abesbatzarekin batera, eta halaxe hasi zen jaia. Ekitaldia amaitutakoan, 2019ko Aste Nagusiko ekitaldi arrakastatsuenetako bat hasi zen: **Gazte Nagusi Holi Fest** delakoa, Boulevardean.

Beste urte batez, Antigua, Amara eta Gros auzoetan sekulako harrera egin zieten zenbait jarduerari, eta horregatik ditugu auzook ondo sendotutako jaigunetzat.

Loiolako Erribera lehen aldiz **konpartsak** Amaran egin ohi duen **ibilbidean** sartzeak ere oso harrera ona izan zuen

Orobat, **Irungo erraldoien konpartsa** berriaren bisita, abuztuaren 15ean, oso arrakastatsua gertatu zen. Irungo *La colla de Falcons de Vilafranca* konpartsa eta Donostiako zortzi erraldoiak hiriko erdialdeko kaleetan barrena ibili ziren goiz eta arratsalde,

eta dantza eta altuerako irudien erakusketa bitxia eskaini zuten, oso ikusgarria.

83.500 lagun izan ziren **Saguesko kontzertuetan**, asteko ekitaldirik deigarriena. Nabarmentzekoa jarduera parte-hartzaile guztiek (gastronomia-lehiaketak, kirola, lantegiak...) parte-hartze handia izaten dutela urtero.

Programazioan irisgarritasuna eta festen gozamina errazteko sartu ziren berrikuntzen artean, bi egun jarri ziren erabateko isiltasunekoak Paseo Berriko Ferietan (hartara, autismo-arazoak zituzten pertsonen jostagarriez gozatu ahal izan zuten), eta, lehen aldiz, musika ez-sexista programatu zen jaigune guztiko feria eta kasetetan.

Emankizun **piromusikal** oso txalotu batek, **RICASA** valentziar pirotekniak eskainitakoak, eman zion amaia, oso modu arranditsuan eman ere, Aste Nagusiaren 2019ko edizioari.

Aste Nagusia
(Abuztuaren 10etik 17ra)

Ikusleen zenbatespena
1.287.275 pertsona

Agertokiak
30

Jarduerak
+ de 490

Aste Nagusiko Sariak

Herri-kirolak	Igeldoko Harria: irabazlea, Jokin Eizmendi
Aste Nagusiko XII. Marmitako Saria	Urrezko Kopa: irabazlea, Iker Vicente
Bertako produktuak erabiliz egindako Gazteentzako VIII. Lehiaketa Gastronomikoa	Bikote irabazlea: Alberto Zubelzu, Carlos Arechaga
Aste Nagusiko II. Lehiaketa, le-gatza saltsa berdean	Bikote irabazlea: Ane Otaegi, Nerea Rey
Aste Nagusiko III. Paella Lehiaketa	Bikote irabazlea: Irene Asensio, Elena Navarro
Aste Nagusiko III. Lehiaketa, arkume-menestra	Bikote irabazlea: José Manuel Irigoyen, Tomás Nuñez



Festak

Donostia Kultura memoria

2019

SU FESTEN NAZIOARTEKO 56. LEHIAKETA JAIALDIA

Zazpi enpresa piroteknikok

(lau espainiar eta hiru atzeritar) hartu zuten parte aste osoa iraun zuen lehiaketan.

Aste Nagusiko Su Artifizialen V. Argazki Lehiaketan

Arantxa Cortajarenaren **Fuegos entrelazados** argazkiak irabazi zuen, lehiaketara aurkeztutako 119 argazkien artean hautatuta. Horixe izango da su-festen nazioarteko lehiaketaren 57. edizioaren kartel iragarleko irudia.

**Su Festen Nazioarteko
56. Lehiaketa Jaialdia
(Del 11 al 17 de agosto)**

**Ikusleen zenbatespena
665.000**



**Parte hartu zuten
pirotekniak**

Valecea
(Araba)

Ciels en Fête
(Frantzia)

Scarsella Fireworks
(Italia)

Vulcano
(Madril)

Gironina
(Valentzia)

IP Innovative
(Alemania)

Hermanos Caballer Pirotécnicos S.L.
(Castelló)



Urrezko Maskorra:
Scarsella Fireworks



Zilarrezko Maskorra:
Pirotécnia Vulcano



Brontzezko Maskorra:
Hermanos Caballer Pirotecnicos



Gazteriaren Saria: **Hermanos Caballer Pirotecnicos**



Gazteriaren Saria: **Hermanos Caballer Pirotecnicos**



**Hasiera ikusgarrienari
emandako saria:**
Scarsella Fireworks



Euskal jaiak: dantza sueltoko lehiaketa

EUSKAL JAIK

Abuztuaren 29an hasi ziren, ostegunarekin, **Kontxako Banderetarako** gizonetako eta emakumeen sailkapen-estropadekin, eta 8an amaitu ziren, igandean, Trinitate Plazan egindako **herri-sardinada**rekin.

Bi egun horien artean, gure kulturarekin zerikusia zuten 72 jarduerak osatutako programa bat, era guztietako jendearentzat: kirola, gastronomia, folklorea, kultura...

Jaiei hasiera ematen dien **Esku dantza** iraileko lehen larunbatean izan ohi da, baina abuztuaren 30era aurreratu eta abuztuaren 31ko ospakizunetan sartu zen, Euskal Jaiei programan.

Egun horretako oroitzapen-ekitaldietan sekulako jendetza izan zen, bai tropen desfilean eta Parte Zaharreko zenbait puntutan egin ziren eszenaratzeetan, batez ere **Bretxaren hartzea** eta **armada aliatua hirian sartzea** eszenifikatu zirenean, eta bai kandela pizteko jarduera intimoagoan, abuztuaren 31ko gaueko desfilean bertan.

Programaturiko jardueren artean, **Harria maitasun istorioa** ikuskizuna nabarmenduko dugu, harri-jasotzeari buruzko bakarriketara, Iñaki Perurenak idatzi eta interpretatua, Sagardo Eguna eta Donostia Bertsotan bertso-saioa.

Irailaren 7an, larunbatearekin, antzinako marinel-giroa antzeztu zen Donostiako kaian, **Habanerak** izenburuko musika-emankizun batekin, non habanerak izan baitziren protagonista, bai eta ikus-entzuleek oso ezaguna zuten erreperatorioa ere. Eguraldiak ez zuen lagundu, eta euriak ikuskizuna bertan behera etetera behartu zuen.



Festak

Donostia Kultura memoria

2019

DONOSTIAKO ESTROPADAK

Bi banderak, emakumeena eta gizonezkoena, parte-hartze baldintza berdinetan egin ziren: sailkapeneko, abuztuaren 29an. Eta lau partaideko bi txanda hurrengo bi igandeetan, irailaren 1ean eta 8an. Ziaboga bakarrera jokatu ziren, emakumeena 1,5 itsas miliako luzerakoa, eta gizonezkoena 3 itsas milakoa.

Banderak ematea *Ciudad de San Sebastián* katamaranetik egin zen, portu barruan.

Laugarren aldiz jarraian, ADEGIK **Premio Adegí Nueva Cultura** saria eman zion gipuzkoar trainerurik onenari, bai emakumeetan eta bai gizonezkoetan.

Antolatzaileek erabaki zuten 2019ko denboraldian AXT eta Euskotren ligetan erabilitako semaforo-sistema epaile-taldearen esku jartzea, hartara zehatzago neurtzeko traineruen denborak eta itsas epaileak bandera jaistearen eta lehorreko kronometroak martxan jartzearen arteko tarteak ekiditeko.

**Donostiako
estropadak**
(abuztuaren 29an eta
irailaren 1 eta 8an)

**Ikusleen zenbatespena
35.000**
**lagun igande bakoitzean
10.000**
**lagun sailkapen-
estropadan**

Kontxako XI. Bandera (emakumeentzat)

Traineru parte-hartzaileak:
20

Sailkatuak:
Orio - Babyauto
Gu-Arraun
Hibaika jamones Ancin
Zumaia Salegi Jatetxea
Hondarribia Bertako Igogailuak
San Juan Iberdrola
Club de remo náutico de Riveira

Horiekin batera, Kai Arriba klubaren
"Donostiara" trainerua ere aritu
zen, Donostiaren ordezkari.

Irabazlea:
Orio - Babyauto

Kontxako Bandera (gizonezkoentzat)

Traineru parte-hartzaileak:
23

Clasificadas:
Ondarroa-Cikautxo
Orio-Babyauto
Santurtzi-Iberdrola
GO fit Hondarribia
Kaiku Ugaren
Bermeo-Urdaibai-Echebaster-
Avia-Campos-Enagas
Zierbena bahias de Bizkaia

Horiekin batera, Kai Arriba klubaren
"Donostiara" trainerua ere aritu zen,
Donostiaren ordezkari.

Irabazlea:
GO fit Hondarribia



Donostiako estropadak: Orio - Babyauto talde irabazlea



Talo postua Santo Tomaseko ferian

SANTO TOMAS FERIA

Abenduaren 21ean, larunbata, ohiko **Santo Tomas Feria** egin zen, eta hiria azoka handi bat bihurtu zen egun horretan, txistorra protagonista zelarik. Postuetan, fruta eta barazkiak, gaztak, hestekiak, kontserbak, eztia, eskulanak... Guztira, **195 postu**, jaiaren eremu guztian banatuta. **Txistorra-, ezti-, barazki- eta fruta-, eta**

txorimalo-lehiaketak, eta gainera **Baserritar Jantzien III. Lehiaketa**: horiek osatu zuten era guztietako jendearentzat egindako programa, non ez baitzen falta izan herri-kirola, abere-erakusketak, haurrentzako lantegiak eta erromeria bat Boulevardean, jai-egunari buru emateko.

Ezin ahaztu azokako protagonista nagusia: Ximona urdemea, zeina, bere 350 kiloak aldean, festaren erdian egon baitzen Konstituzio Plazan egun osoan.

Beste urte batez, ikusgai jarri zen emakumeen kirola, **I. Pala Txapelketa**, **IV. Esku-pilota Txapelketa** eta aizkolarien **Urrezko IV. Kopa** jokatu baitziren. Denak, emakumeen artean.

Hamar auzok hartu zuten parte azokan, zenbait jarduera antolatuz: Amara Berri, Amara Zaharra, Antigua, Gros, Ibaeta, Ipar Intxaurren, Hego Intxaurren, Loiola eta Morlans.

Eguerdian sortu zen galerna ustekabekoak distira kendu zion festari arratsaldean, eta badiatik sartutako haizeak kasetak hondatu zituen, zenbaitek postuak bildu eta alde egin behar izan zuten arratsalde-hasieran. Hala eta guztiz ere, feriak aurrera jarraitu zuen, eta jarduera guztiak egin ziren.

Aurreko edizioan ezarritako neurria, hots, txistorra saltzeko postuetan alkoholik saltzea debekatzearena (DBH edota Batxillergoko ikasketak egiten diren ikastetxeei esleitutakoetan) normaltasun osoz onartu zuen ferian izandako jendeak.

**Ikusleen
zenbatespena
80.000
pertsona**

**Urdemea
"Ximona"**



**Jatorria: Leitza
Pisua: 350 kg.**

**195
postu**





Festak

Donostia Kultura memoria

2019



Olentzero desfilea

OLENTZERO ETA MARI DOMINGI

Olentzero eta Mari Domingi menditik jaitsi ziren abenduaren 24an, Udaletxera hurbildu ziren eta gutunak entregatu ahal izan zizkieten neska-mutiko guztiak agurtzeko.

Harrera Udaletxeko Udalbatza Aretoan egin zen, 16:00 eta 18:00 artean, eta lehen

aldiz, zeinu-interprete bat izan zen bertan.

Bien bitartean, **Eskola** eta **Gero Axular** dantza-taldeek zenbait jarduera egin zituzten Udaletxe aurreko terrazan (baserritar jantziaren zapia behar bezala ipintzeko lantegia, marrazki-lantegia, ogi eta gaileren lantegia, dantza tradizionalak...)

2019an, ez ziren bakarrik etorri, baizik eta *mendiko eta*

basoetako izakiek lagundu zieten desfilean, zeina 18:30etan hasi baitzen: Basandere, Basajaun, herensugea, jentilak, iratxoak, ñañoak... Basomutilek eta baserritarrek ere hartu zuten parte.

Lehen aldiz, desfilean **ez zen izan animaliarik**.

Olentzero
(abenduak 24)

500
lagun gutxi
gorabehera



Taldeak
11



Taldeak
auzoetan
23



1.500 kg
gozoki-
banaketa



DONOSTIAKO AUZOETAKO JAIK

Festak unitateak kudeatzen ditu jaiak egiteko behar diren baimen eta udal zerbitzuak; gainera, azpiegitura eskueran jartzen eta muntaketak koordinatzen ditu, batzorde antolatzaileei eginkizunak errazteko asmoz. Bada, halaber, subentzioen atal berezi bat ekitaldi hauetarako, 133.725,19 €-koa.

Jaien izena	Egunak
ANTIGUAKO JAIK	URTARRILAREN 11N / 27AN
IBAETAKO JAIK	OTSAILAK 16, 22, 23, 24 / MARTXOAK 1
TXANPONTXO JAIK - BIDEBIETA	MAIATZA, 9-13
MORLANSEKO JAIK	MAIATZA, 17-19
LARRATXOKO JAIK	EKAINA, 6-10
AMARA BERRIKO FESTAK	EKAINA, 14-16 23
ANTIGUAKO SAN JUAN JAIK	EKAINA, 13-23
OLETAKO SAN JUAN JAIK	EKAINA, 20-25
HERRERAKO JAIK	EKAINA, 14-23
SAN JUAN JAIK - INTXAURRONGO	EKAINA, 20, 23
INTXAUR JAIK - INTXAURRONGO	EKAINA, 29,30
ALTZAKO SAN MARTZIAL JAIK	EKAINA, 22-24 / 28-30 / UZTAILA 1-2
IGELDOKO SAN PEDRO JAIK	EKAINA, 23, 28, 29, 30 UZTAILA, 1, 2
KARMENGO JAIK - KAIA	UZTAILA, 11-16
AÑORGAKO FESTAK	UZTAILA, 6-16
AMARA BERRIKO KARMENGO JAIK	UZTAILA, 12-14
GROSEKO ZIPOTZ JAIK	UZTAILA, 18-21
ZUBIETAKO JAIK	UZTAILA, 24-31
AMARAKO JAIK	UZTAILA,
LOIOLAKO SAN IGNAZIO JAIK	UZTAILA, 30, 31 / ABUZTUA, 1, 2
AÑORGA TXIKIKO JAIK	IRAILA, 6, 7



FIESTAS DE TXOMIN - ENEA	IRAILA, 6-8
INTXAURRONGO ZAHARREKO JAIK	IRAILA, 5-8
PORRONTXO JAIK - EGIA	IRAILA, 7-15
FIESTAS DE JOLASTOKIETA	IRAILA, 11-15
FIESTAS DE RIBERAS DE LOIOLA	IRAILA, 13-15
AIETEKO JAIK	IRAILA, 6-8 / 12-16, 21
MARTUTENENKO JAIK	URRIA, 11-13
AMARA BERRIKO JAI HERRIKOIAK	URRIA, 10-13

BESTE JARDUERA BATZUK

Festak unitatetik, **behar ziren baimen eta zerbitzuak** kudeatu ziren hainbat kolektibo eta elkartek proposatutako jarduerak kalean egin ahal izateko, eta hartarako behar ziren azpiegiturak eskueran jarri eta muntaketak koordinatu ziren.

Etxe erregionalen jaiak: 7

Beste lankidetzak batzuk: 49

Ospatu ziren jarduerak batzuk:

- Minbiziaren kontrako lasterketa
- Casal de Catalunya - calçoten denboraldia
- Liburu zahar eta berrien azokak
- Donosti CUP
- Gipuzkoako marinel zaharrei omenaldia
- Txakoli eguna
- Zipristin - Tamayo Pintura Lehiaketa
- Europa Saria

- XXII Rally histórico Vasco-Navarro
- Sagardo Apurua
- Arte Topaketak
- Ulm-eko (Alemania) bandaren kontzertua, Pamplonesa bandaren 100 100 urteak ospatzeko egin-dako jaialdian

SENIDETZEAK

Marugame:

Urteroko garaikur-trukea egin zen eskolarteko futbol-txapelketetarako. Marugame hiriko Industria eta Kultura zuzendariak urrian Olaraingo Adiskidetasunaren Lorategira egindako bisita koordinatu zen.

ESKERRAK BABESLEEI

Beste urte batez, eskerrak eman nahi dizkiegu honako marka hauei, berak gabe zenbait jarduerak egin ezinik geratuko baikenen:

Amstel, Coca Cola, Euskaltel, El Diario Vasco, Kutxabank, AFADE, FCC, Eroski, Supermercados BM, Insalus, Nestle, EKP, Frigo, Super Amara, ADEGUI.



EL DIARIO VASCO

